




Դ. ԿԻՐԱԿԻ ՅԻՆԱՆՑ (ճաշոց էջ 273)



ԺԱՄԱՄՈՒՏ

Քրիստոս յարութիւն առաւ մեռելներէն, իր մահով մահը խորտակեց եւ իր յարութեամբը մեզի կեանք պարգեւեց. յաւիտենապէս փա՛ռք Անոր. ամէն:

ՃԱՇՈՒ ՇԱՐԱԿԱՆ ՔԿ.

Քու աստուածութեանդ լոյսով, Քրիստոս, լուսաւորեցիր սուրբ Եկեղեցին. անշարժ պահէ զայն յաւիտեան:

Այսօր Երուսաղէմը կը տօնէ հաւատացեալներու բազմութեան հետ Սուրբ Եկեղեցոյ Նաւակատիքը, անշարժ պահէ զայն յաւիտեան:

Բացուեցան Նոր Սիոնի հաւատքի դռները, առաքաստին մէջ ընդունելու անմահ Փեսաղ, անշարժ պահէ զայն յաւիտեան:

ՄԵՍԵՂԻ (Սաղմոս 64, 2 , 65, 2 եւ 66, 2)

Աստուած իմ, Սիոնի վրայ կատարուած փառաբանութիւնը միայն քեզի կը վայելէ եւ Երուսաղէմի մէջ քեզի աղօթքներ թող բարձրանան:

Ո՛վ դուք, բոլոր երկիրներդ, Աստուծոյ աղաղակեցէ՛ք, իր անունին սաղմոսներ հիւսեցէք եւ անոր ամենօրինեալ անունը փառաւորեցէք:

Աստուած իմ, ողորմէ՛ մեզի եւ օրինէ մեզ, դէմքդ մեզի դարձո՛ւր եւ ողորմէ մեզի:

ԸՆԹԵՐՑՈՒԱԾ ՅԻՍՈՒՄԻ ԸՆԴՀԱՆՐԱԿԱՆ ՊԱՏԳԱՍԸ

Առաքեալներուն Գործերէն Է այս ընթերցուածը:

(Գ. Առք. 13, 44 - 14, 6)

Յաջորդ Շաբաթ օրը գրեթէ ամբողջ քաղաքը հաւաքուեցաւ՝ լսելու համար Աստուծոյ խօսքը: Ի տես այս բազմութեան, Յրեաները լեցուեցան նախանձով եւ հայիոյանքներով կ'ընդդիմանային Պօղոսի խօսքերուն: Իսկ Պօղոս եւ Բառնաբաս համարձակութեամբ յայտարարեցին. «Նախ ձեզի պարտէիք քարոզել Աստուծոյ խօսքը, սակայն քանի որ զայն կը մերժէք եւ ձեզ արժանի չէք համարեր յաւիտենական կեանքին, ահաւասիկ մենք կ'երթանք հեթանոսներուն: Այսպէս հրամայեց մեզի Տէրը. «Դրի քեզ լոյս հեթանոսներուն, որպէսզի փրկութիւնը հասցնես մինչեւ աշխարհի ծայրը»: Այս խօսքերուն վրայ, հեթանոսները սաստիկ ուրախացան եւ փառաւորեցին Տիրոջ խօսքը եւ բոլոր անոնք, որոնք սահմանուած էին յաւիտենական կեանքին՝ հաւատացին: Այսպէս Աստուծոյ խօսքը տարածուեցաւ ամբողջ շրջանին մէջ: Յրեաները սակայն, գրգռեցին աստուածապաշտ ազնուազարմ տիկիներ եւ քաղաքին պարագլուխները, հալածանք յարուցին Պօղոսի եւ Բառնաբասի դէմ եւ դուրս հանեցին զանոնք իրենց սահմաններէն: Անոնք իրենց ոտքերուն փոշին թօթափելով անոնց վրայ, եկան Իկոնիոն: Իսկ աշակերտները՝ լեցուեցան ուրախութեամբ եւ Սուրբ Յոգիով:

Իկոնիոն միասին մտան հրեաներուն ժողովարանը եւ նոյնպէս խօսեցան ու բազմաթիւ հրեաներ ու յոյներ հաւատա-



ցին: Բայց անհաւան հրեաները գրգռեցին հեթանոսները եւ չարացուցին զանոնք եղբայրներուն դէմ: Պօղոս եւ Բառնաբաս երկար ժամանակ շրջեցան եւ համարձակ խօսեցան եւ Տէրը կը վկայէր իր շնորհքի խօսքին, անոնց ձեռքով նշաններ եւ հրաշքեր գործելով: Քաղաքին բնակչութիւնը երկու հատուածներու բաժնուեցաւ. ոմանք հրեաներուն կողմն էին, իսկ ուրիշներ՝ Առաքեալներուն: Երբ հեթանոսները եւ հրեաները, գլխաւորութեամբ իրենց պետերուն, կը պատրաստուէին զանոնք չարչարելու եւ քարկոծելու՝ անոնք լուրը առին եւ փախան Լիկոնացիներու քաղաքները, Լիւստրոս եւ Դերբէ, եւ շրջակայ գաւառը եւ այնտեղ կը քարոզէին:


Ալելուիա, Ալելուիա,

Ո՛վ Երուսաղէմ, դուն Տէ՛րը օրհնէ: Եւ դուն ալ ո՛վ Սիոն, քու Աստուածդ օրհնէ:
(Սաղմոս 147, 12)

Ալելուիա:

ԱՒԵՏԱՐԱՆ
ՅԻՍՈՒՄԻ ԻՇԵԱՆՈՒԹԻՒՆԸ
(Յովհ. 5, 19-30)

Տէրն մեր Յիսուս Քրիստոս պատասխանեց անոնց. «Ճշմարիտ, ճշմարիտ կ'ըսեմ ձեզի, Որդին ոչինչ կրնայ ընել ինքնիրմէ, եթէ չտեսնէ Յայրը, որ կ'ընէ: Որովհետեւ ինչ որ Յայրը կ'ընէ, նոյնը կ'ընէ նաեւ Որդին: Յայրը կը սիրէ Որդին եւ ցոյց կու տայ անոր իր բոլոր գործերը: Դեռ ասոնցմէ աւելի մեծ գործեր ալ ցոյց պիտի տայ անոր, եւ դուք պիտի զարմանաք: Ինչպէս որ Յայրը մեռելները կը յարուցանէ եւ անոնց կեանք կու տայ, այնպէս ալ Որդին, կեանք կու տայ որուն ինք ուզէ: Յայրը մարդ չի՛ դատեր՝ այլ ամէն դատաստան տուաւ Որդիին, որպէսզի ամէնքը պատուեն Որդին, ինչպէս որ կը պատուեն Յայրը: Ով որ Որդին չի պատուեր, չի պատուեր նաեւ Յայրը, որ զինք ղրկեց: Ճշմարիտ, ճշմարիտ կ'ըսեմ ձեզի, ով որ իմ խօսքս լսէ եւ հաւատայ Անոր, որ զիս ղրկեց՝ կ'ընդունի յաւիտենական կեանքը, եւ դատաստանի չ'ենթարկուի, այլ կ'անցնի մահէն՝ կեանքի: Ճշմարիտ, ճշմարիտ կ'ըսեմ ձեզի, կու գայ ժամը, արդէն իսկ հասած է, երբ մեռելները պիտի լսեն Աստուծոյ Որդիին ձայնը եւ լսողները՝ պիտի ապրին: Որովհետեւ ինչպէս որ Յայրը կեանքն ունի ինքնիր մէջ, նոյնպէս ալ տուաւ Որդիին՝ ինքնիր մէջ կեանքն ունենալ: Տուաւ անոր իշխանութիւնը՝ դատելու, որովհետեւ Մարդու Որդին է: Մի՛ գարմանաք, կու գայ ժամը, երբ ամէնքը, որոնք գերեզմանի մէջ են, պիտի լսեն



Անոր ձայնը եւ պիտի ելլեն: Անոնք, որոնք բարիք ըրած են՝ կեանքի յարութեան համար, իսկ անոնք, որոնք չարիք գործած են՝ դատապարտութեան յարութեան համար: Ես ինձմէ ոչինչ կրնամ ընել: Կը դատեմ ինչպէս որ կը լսեմ, եւ դատաստանս արդար է, որովհետեւ ես իմ կամքս չեմ փնտռեր, այլ՝ կամքն Անոր, որ զիս ղրկեց:

ԽՈՐՀՐԳԱԾՈՒԹԻՒՆ


Ինչպես ամեն տարի, վաղը, 13 մայիսին՝ Կաթողիկե Եկեղեցին կը յիշատակե Ֆաթիմայի երեւումները զորս կը տօնակատարէ:

«Ես եմ Թագուհի Կարդարանի: Յարատեւեցէք աղօթել վարդարանը ամեն օր»:

Ասիկա եղաւ Աստուածամօր կոչը Ֆաթիմայի մէջ իր երեւումներուն ընթացքին: Ասկէ 102 տարիներ առաջ, 13 մայիս 1917-ին՝ կուսամայրը տեսնուեցաւ Ֆաթիմա գիւղի երեք փոքրիկներուն, որոնց անուններն են Լիւսիա, Ֆրանչիսքօ եւ Եասինթա: Վերջին անգամ «գեղեցիկ Տիկինը» տեսան 13 հոկտեմբեր 1917-ին: Վեց անգամ տեղի ունեցած երեւումները եկեղեցական իշխանութենէն հաստատուեցան 13 հոկտեմբեր 1930-ին: Ֆաթիմայի երեւումներն ու դիտաւորութիւնը կ'ամփոփին այս չորս բառերուն մէջ՝ աղօթք, ապաշխարանք, զոհողութիւն մեղաւորներու դարձին համար եւ Ս. Վարդարան: Եւ այս ամբողջը կատարել դիմելով Մարիամի Անարատ Ս. Սըրտին:

Երկու գլխաւոր մտահոգութիւններ ունէր Տեսլամայրը՝ մեղաւորներուն դարձը եւ հոգիներուն փրկութիւնը, որոնց նկատմամբ երկու զգուշացումներ տուաւ: Առաջինը այն է, որ մարդիկ պետք է դադրին Աստուած նախատելէ եւ մեղանչելէ: Երկրորդն այն է, որ եթէ Մարիամի ըսածները կատարուին, Ռուսիա դարձի պիտի գայ: Իսկ եթէ ոչ, Ռուսիա պիտի տարածէ իր մոլորութիւնը եւ սխալները աշխարհի վրայ: Եկեղեցին պիտի հալածուի: Բարիները պիտի նահատակուին: Սրբազան Յայրը շատ պիտի տառապի: Որոշ ազգեր պիտի ջնջուին:

Աղանձանեան Մարեմասեր Յոգեւոր



Տերը Ֆաթիմա այցելած է: Ան ամեն օր վարդարանը կ'աղօթէր: Կիրակի, 31 մայիս 1953-ին, Չմմառի մէջ կատարեց մեր Եկեղեցիին, Ազգին եւ Յայրենիքին նուիրումը Մարիամի Անարատ Սրտին:

Սիրելի հաւատացեալներ, օրինակ առնենք մեր Ծիրանաւոր Կաթողիկոս Պատրիարքէն ու գործադրենք Ֆաթիմայի Տեսլամօր պատգամը, հոգեպէս նորոգուելու եւ վերադառնալու Աստուծոյ, քանի, ի վերջոյ, վարդարանը երգ մըն է սիրոյ: Ամեն: